

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Konkurentskom zahtjevu broj: 05.12.100-2732-2/17 od 06.06.2017. godine, te Odluke o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.100-2732 Odluka o izboru trećerangiranog ponuđača Lot 1/17 od 13.07.2017. godine, kojom je prihvaćena Ponuda ponuđača „HafeleBH“ d.o.o. Gračanica kao najpovoljnija i kojom se ponuđaču „HafeleBH“ d.o.o. Gračanica dodjeljuje Ugovor za nabavku i isporuku kancelarijskog namještaja – Lot 1 (drveni namještaj) za potrebe JU Zavoda za javno zdravstvo Kantona Sarajevo, zaključuje se slijedeće:

UGOVOR O NABAVCI I ISPORUCI NAMJEŠTAJA

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Dr med. sci. Snježana Balta, primarius, direktor (u daljem tekstu: Ugovorni organ)

i

"HafeleBH"d.o.o., ulica Miričina bb,Gračanica. Identifikacioni broj: 4210036970005, koga zastupa direktor: Hasib Kovačević (u daljem tekstu: Dobavljač), zaključili su:

I PREDMET UGOVORA

Član 1.

- (1) Predmet ovog Ugovora je nabavka robe za LOT 1- **Drveni namještaj**, za potrebe JU Zavoda za javno zdravstvo Kantona Sarajevo, a prema ponudi broj: 86/17koja je sastavni dio ovog Ugovora.

Član 2.

Ugovorni organ naručuje predmetnu robu, a Dobavljač prihvata da isporuči istu, a na osnovu provednog postupka javne nabavke putem konkurentskog postupka i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Dobavljač su saglasni da Ugovor realizuju prema već definisanim uslovima u Obavještenju o javnoj nabavci putem Konkurentskog postupka (u daljem tekstu: Obavještenje) i prema tenderskoj dokumentaciji (u daljem tekstu: Tenderska dokumentacija) i to:

- (1) Ugovorni organ prema zahtjevima u Obavještenju i Tenderskoj dokumentaciji

- (2) Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

II UGOVORENA CIJENA, GARANCIJA ZA DOBRO IZVRŠENJE POSLA, OBRAČUN I

NAČIN PLAĆANJA

Član 4.

- (1) U obim roba iz člana 2. ovog Ugovora podrazumijevaju se roba po prihvaćenim cijenama sa uračunatim poreskim obavezama (Prema izvještaju o provedenju E - aukciji).
- (2) Ukupna vrijednost Ugovora iznosi 7.176,30 KM bez PDV-a, odnosno 8.396,30 sa PDV-om.

Član 5.

- (1) Dobavljač se obavezuje da robu fakturiše istog dana kada je isporučio robu, na osnovu otpremnih dokumenata (otpremnica i sl.) i zapisnika o primopredaji potvrđenih od strane Ugovornog organa da je robu preuzeo.
- (2) Dobavljač se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.
- (3) Ugovorni organ će platiti fakturu za isporučenu robu nakon izvršene primopredaje robe u roku do 30 (trideset) dana od nastanka obaveze iz stava (1) ovog člana.

III OBAVEZA DOBAVLJAČA

Član 6.

- (1) Ukoliko u toku trajanja Ugovora Dobavljač promjeni broj telefona i faksa, odmah je dužan pismenim putem obavijestiti Ugovorni organ.
- (2) Dobavljač se obavezuje:
- da će dostaviti robu Ugovornom organu, propisanog kvaliteta, u traženim količinama i u dogovoreno vrijeme.
 - da će ugovorene obaveze izvršiti blagovremeno, u ugovorenom roku, stručno i kvalitetno u skladu sa tehničkom specifikacijom, sve prema dostavljenoj Ponudi;
 - da će isporučiti, robu, u roku od 15 kalendarskih dana od dana potpisivanja Ugovora.
 - da će Kupcu omogućiti nadzor nad vršenjem isporuke, te da će na njegov zahtjev obustaviti isporuku robe ukoliko se utvrdi da se ista izvodi nekvalitetno i mimo tehničke dokumentacije;
 - da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
 - da će prilikom primopredaje roba iz člana 1. ovog Ugovora, Kupcu predati garantne listove za ponuđenu robu.

- da će isporuku robe izvršiti u sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo kao i u prostorijama Ugovornog organa u objektu Doma zdravlja Vogošća i Doma zdravlja Vrazova.

Član 7.

- (1) Dobavljač se obavezuje da će isporuku robe koja je predmet Ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.
- (2) Ugovorni organ je dužan da dostavi pismeno obavještenje o svakom navodnom propustu Dobavljača po Ugovoru.
- (3) Ugovorni organ će utvrditi razuman rok za ispravku propusta Dobavljača u smislu izvršene nabavke i isporuke.

Član 8.

Dobavljaču se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 9.

- (1) Roba utvrđena ovim Ugovorom mora biti u skladu sa tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvaliteta isporučene robe, a Dobavljač je u obavezi kontrolu omogućiti te uvažiti eventualne primjedbe Ugovornog organa i u skladu sa istim načiniti ispravku.

Član 10.

Ponuda Dobavljača br. 86/17 od 08.06.2017. godine na temelju koje je sačinjen ovaj Ugovor, čini sastavni dio istog kao i izvještaj o provedenoj E - aukciji.

Član 11.

- (1) Ovaj Ugovor se zaključuje na određeno vrijeme, a prestaje važiti nakon izvršenja koje je predmet ovog Ugovora, a najdalje do isteka garantnog roka i postupanja Dobavljača po eventualnim primjedbama ugovornog organa, u pogledu nedostataka vezanih za kvalitet nabavke.
- (2) Odredbe ovog Ugovora ne mogu se mijenjati nakon njegovog zaključenja.

IV UGOVORNE KAZNE I NAKNADA ŠTETE

Član 12.

(1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos

(2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti

(3) Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Dobavljača ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

V ZAVRŠNE ODREDBE

Član 13.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 14.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 15.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Član 16.

Ovaj Ugovor stupa na snagu danom potpisivanja obje ugovorne strane.

Član 17.

Ovaj Ugovor je sačinjen u 4 (četiri) istovjetna primjerka,, od čega svaka ugovorna strana zadržava po 2 (dva) primjerka.

DOBAVLJAČ

Direktor

M.H.
nafeleBH d.o.o.
75329 Mirčino bb GRAČANICA

Broj: 47/17

Datum, 04.08.2017



UGOVORNI ORGAN

Direktor

balet

Broj: 05.14.111-3701/17

Datum,

21-07-2017